

Na osnovu člana 7. Odluke Vijeća Univerziteta u Sarajevu – Medicinskog fakulteta o organizaciji i održavanju manifestacije „Dani doktoranata Medicinskog fakulteta”, broj: 01-4-1996/26 od 15.04.2026. godine, te Odluke Dekana Univerziteta u Sarajevu – Medicinskog fakulteta o imenovanju Organizacionog odbora Dana doktoranata Medicinskog fakulteta, broj: 01-3-3350/26 od 08.06.2026. godine, Univerzitet u Sarajevu – Medicinski fakultet objavljuje

JAVNI POZIV

za prijavu doktorskih istraživačkih projekata za učešće na manifestaciji „Dani doktoranata Medicinskog fakulteta” i dodjelu priznanja i novčanih nagrada za najbolje ocijenjene doktorske istraživačke projekte za 2026. godinu

I. PREDMET JAVNOG POZIVA

Predmet ovog Javnog poziva je prikupljanje prijava doktorskih istraživačkih projekata, odnosno tema doktorskih disertacija (u daljem tekstu: istraživački projekat), radi učešća na manifestaciji ‘Dani doktoranata Medicinskog fakulteta’, koja će se održati tokom 2026. godine, u terminu koji će biti naknadno utvrđen i objavljen na web-stranici Univerziteta u Sarajevu – Medicinskog fakulteta. Manifestacija predstavlja godišnji akademski program, posvećen promociji naučnoistraživačkog rada doktoranata, afirmaciji izvrsnosti u doktorskom studiju i jačanju istraživačke kulture Univerziteta u Sarajevu – Medicinskog fakulteta.

U okviru manifestacije doktoranti će predstaviti svoje istraživačke projekte, a najbolje ocijenjeni projekti će biti nagrađeni u skladu sa odredbama ovog Javnog poziva i Odluke o organizaciji i održavanju Dana doktoranata Medicinskog fakulteta.

II. PRAVO PRIJAVE

Pravo prijave imaju studenti III ciklusa studija - dokorskog studija Biomedicina i zdravstvo, Univerziteta u Sarajevu – Medicinskog fakulteta koji na dan podnošenja prijave:

1. imaju status studenta dokorskog studija
2. imaju odobrenu temu, odnosno projekat doktorske disertacije, u skladu sa važećim propisima

III. NAČIN PODNOŠENJA PRIJAVE

Prijava se podnosi na prijavnom obrascu (prilog ovog Javnog poziva) koji je sastavni dio ovog Javnog poziva. Prijavni obrazac je dostupan i na Web stranici Univerziteta u Sarajevu – Medicinskog fakulteta, kao i na protokolu Medicinskog fakulteta Univerziteta u Sarajevu.

IV. NAČIN PREDSTAVLJANJA ISTRAŽIVAČKIH PROJEKATA

Istraživački projekti koji ispunjavaju uslove Javnog poziva mogu biti predstavljeni u okviru programa manifestacije kroz:

1. usmenu prezentaciju;
2. poster prezentaciju;
3. druge oblike akademskog predstavljanja predviđene programom manifestacije.

V. EVALUACIJA ISTRAŽIVAČKIH PROJEKATA

Stručnu evaluaciju prijavljenih istraživačkih projekata i prezentacija vrši Komisija za evaluaciju (u daljem tekstu: Komisija), koju je Odlukom imenovalo Vijeće Univerziteta u Sarajevu – Medicinskog fakulteta. Komisija sačinjava rang-listu kandidata, predlaže dobitnike priznanja i nagrada te dostavlja zapisnik o svom radu Dekanu i Vijeću Fakulteta.

VI. KRITERIJI EVALUACIJE

Komisija vrjednuje predstavljene projekte prema sljedećim kriterijima:

1. naučna relevantnost i jasno definisan istraživački problem;
2. inovativnost i originalnost istraživačkog pristupa;
3. metodološka utemeljenost istraživanja;
4. izvodivost i realističnost plana istraživanja;
5. očekivani naučni, stručni i/ili društveni doprinos;
6. kvalitet prezentacije i sposobnost argumentovanog obrazlaganja istraživačkog projekta;

Način bodovanja, po pojedinim kriterijima, utvrđuje Komisija za evaluaciju, posebnim aktom, u skladu sa Odlukom o organizaciji i održavanju Dana doktoranata Medicinskog fakulteta. U slučaju postojanja sukoba interesa, a naročito ukoliko je član Komisije mentor doktorantu čiji se projekat evaluira, taj član Komisije izuzima se iz evaluacije tog projekta

VII. PRIZNANJA I NOVČANE NAGRADE

Novčana nagrada dodjeljuje se doktorantu čiji je istraživački projekat nagrađen, kao namjenska finansijska podrška za potrebe doktorskog istraživanja. Sredstva se koriste za troškove i aktivnosti povezane s doktorskim istraživanjem u skladu sa članom 10. Odluke o organizaciji i održavanju Dana doktoranata Medicinskog fakulteta, a njihovo namjensko korištenje doktorant dokazuje odgovarajućom dokumentacijom.

VIII. VISINA NOVČANIH NAGRADE ZA 2026. GODINU

Visina novčanih nagrada za 2026. godinu utvrđena je Odlukom Vijeća Univerziteta u Sarajevu – Medicinskog fakulteta o visini novčanih nagrada dobitnicima priznanja u okviru manifestacije „Dani doktoranata Medicinskog fakulteta“ za 2026. godinu, broj: 01-4-DK-3459/26 od 10.06.2026. godine, kako slijedi:

1. Prva nagrada – 5.000,00 KM;
2. Druga nagrada – 3.000,00 KM;
3. Treća nagrada – 2.000,00 KM.

IX. NAČIN I ROK PODNOŠENJA PRIJAVA

Prijavni obrazac i sva prateća dokumentacija navedena u ovom Javnom pozivu dostavljaju se u štampanom i elektronskom obliku.

Prijava u štampanom obliku, sa pratećom dokumentacijom, dostavlja se poštom na adresu: Univerzitet u Sarajevu – Medicinski fakultet, Čekaluša 90, 71000 Sarajevo, uz naznaku: „Prijava na Javni poziv za učešće na manifestaciji Dani doktoranata Medicinskog fakulteta“, ili se predaje neposredno na protokol Fakulteta. Prijava u elektronskom obliku dostavlja se na e-mail adresu: medicinski.fakultet@mf.unsa.ba, uz naslov poruke: „Prijava – Dani doktoranata Medicinskog fakulteta 2026“.

Javni poziv ostaje otvoren 30 dana od dana objavljivanja. Smatra se da je prijava blagovremeno podnesena ukoliko su u navedenom roku dostavljene i štampana i elektronska verzija prijave sa pratećom dokumentacijom.

Nepotpune i neblagovremene prijave, kao i prijave kandidata koji ne ispunjavaju uslove ovog Javnog poziva, neće biti razmatrane.

Dostavljena dokumentacija se ne vraća.

X. ZAVRŠNE ODREDBE

Organizacioni odbor će izvršiti administrativnu provjeru pristiglih prijava i blagovremene i potpune prijave dostaviti Komisiji za evaluaciju. Nepotpune, neblagovremene i prijave koje ne ispunjavaju uslove iz ovog Javnog poziva neće biti razmatrane od strane Komisije.

Rezultati evaluacije objavljuju se na završetku manifestacije Dani doktoranata Medicinskog fakulteta, a potom i na web stranici Fakulteta. Konačnu odluku o dodjeli priznanja i novčanih nagrada donosi Vijeće Medicinskog fakulteta. Sve dodatne informacije u vezi s Javnim pozivom zainteresirani kandidati mogu dobiti obraćanjem predsjednici Organizacionog odbora putem e-mail adrese: amela.dervisevic@mf.unsa.ba. Prilikom slanja upita putem e-maila, u predmetu poruke (subject) obavezno navesti: „Upit vezan za Javni poziv“

Prilog: Prijavni obrazac za učešće na manifestaciji „Dani doktoranata Medicinskog fakulteta za 2026. godinu“